



partii naleraq

Nuuk 2.okt. 2019

UKA 2019/148

Jens Napätök, Partii Naleraq

**Uunga siunnersuut: Naartunermi, erninermi meeravissartaarnermilu sulingiffeqartarneq ullormusiaqartarnerlu pillugit Inatsisartut inatsisaata allangortinneqarnera pillugu Inatsisartut inatsisaat nr. xx, xx. xxx 2019-imeersoq. (Angajoqqaat sulingiffeqartarnerinut piffissarititaasup sivitsorneqarnera)**

(Peqqissutsimut, Isumaginninnermut Inatsisinillu Atuutsitsinnermut Naalakkersuisoq)

### **Siullermeerneqarnera**

Naartunermi, erninermi meeravissartaarnermilu sulingiffeqartarneq ullormusiaqartarnerlu pillugit inatsisartut inatsisaata allangortinneqarnera pillugu inatsisartut inatsisaat suli normulernerqarnanilu ullulernerqarsimanngitsoq 2019-imeersoq Peqqissutsimut, Isumaginninnermut inatsisinillu atuutsitsinnermut Naalakkersuisup saqqummiusnaanut Partii Naleqqamiit imaatut oqaaseqateqassaagut.

Inatsisartunut ilaasortaasimasumiit tassalu Randi Vestergaard Evaldsen, Demokraatiniit siunnersuut saqqummiuttarneqarmalli siunnersuut tamakkiisumik tapersersorsimavarput.

Taamatullu Siunnersuuteqartup kingorna siunnersuutaa tapersersorsimavarput ernineq sioqqullugu sulingiffeqartarneq sapaatip akunnerinik marlunnik sivitsorneqassasoq, tamannalu aappassaaneernissaa maanna ukiamut kinguartinneqartoq ajuusaarnaraluartumik Demokratiniit tunuartinneqaaannarsimasoq takusinnaagatigu.

Tamanna uggornaqaaq siunnersuut iluatinnaateqartigisoq Naalakkersuisut taamatut sivitsueqissinnaanermut qaavatigut aaqqiinarnerigaluaq maani Inatsisartuni amerlanerussuteqartut tapersigaat unitsiinnarneqarmat. Uggornaqaaq.

Inatsisartut ukiakkut 2018-imi ataatsimiinnermi imm. 106-imi siunnersuut eqqartuiffigisimavarput Naalakkersuisut siunnersuusioqqullugit maannakkullu Tamanna Naalakkersuisut taamaasilluni naartunermi, erninermi aammalu meeravissartaarnermi sulingiffeqartarneq sapaatip akunnerinik sisamanik sivitsorneqartussanngorluni allannguut 1. Januar 2020-imi atuutilerpat inatsisartut uani saqqummiunneqartumi akuersissutigineqarpat.

Partii Naleqqamiit pingaartilluinnakkatta ilagilluinnarpaat pilersissallugit nunatta inuisa pitsaasumik toqqissisimasumikllu inuuneqarnissaat periarfissaqarnissaallu.



partii naleraq

Nuuk 2.okt. 2019

UKA 2019/148

Jens Napätök, Partii Naleraq

Taamaamat siunnersuut naartunermi erninermi meeravissiartaarnermillu sulingiffeqartarnerat sapaatip akunnerinik sisamanik sivitsorneqarnissaanik siunnersuut tapersorsorparput.

Partiip Naleqqamiit isumaqarpugut Meeqqap pisinnaatitaaffigisariaqaraa sivisunerpaamik inunngornermiit toqqissilluni meeqqap angajoqqaaminiinnissaa, taamatullu aamma angajoqqaat angajoqqaanngortut sivisunerpaamik meeraq najornissaa sivisunerpaamik ukiup siulliup iluani periarfissaqartariaqarluinnartoq.

Ilisimatuussutsikkut uppersarneqartareerpoq aammalu inuiaqatigiinni peqataasugut tamatta nalunngereerparput inuunermi pingaaruteqarluinnartuusoq meeqqat inuunermi aallartilluarnissaa pingaaruteqaannarani inuunerup sinneranut aamma pitsaasunik ingerlaqinneranut pingaaruteqarluinnartartoq inuunermi aallartilluarneq pigaanni.

Taamaamat Peqqissutsimut, Isumaginninnermut Inatsisinilu Atuutitsinermut Naalakkersuisup saqqummiinermi oqaatit atugai issualaarusuppakka

*Issuaaneq aallartippoq:*

*Angajoqqaat meeqqallu pitsaasunik toqqissisimanartunillu sinaakkutissaqarlutik pitsaanerpaamik aallartinnissaat pingaaruteqarpoq. Angajoqqaat sulingiffeqartarnerisa sivitsorneqarnerat tigussaasunik suliniutaavoq taassumunnga qulakkeerinnittussaq.*

*Issuaaneq naavoq*

Tamanna Partii Naleqqamiit aamma isumaqatigilluinnaratigu oqaatigissavarput, taamaamat inatsisissap suliarineqarneranut aamma tamanna atuuttariaqartoq isumaqarluta,

Inatsit misissuataaraanni Angajoqqaat Meeqqallu pillugit pitsaasunik toqqissisimanartunillu sinaakkutissaqarlutik pitsaanerpaamik aallartinnissaat pingaartinneqarluni Naalakkersuisuniit oqaatigineqartoq ajuusaarnaraluartumik tamanut atuutinngilaq.

Isertitakinnerit meerai nalikinnerusutut isigineqarput, taamatullu atugaqartitaanerat naleqqussaaffigisariaqarluinnartut ilagigaat isumaqarpugut pitsaasunik atugaqassappata. Tiimit sulisarnerit amerlassusaat naapertorlugit assigiinngitsunik nalilersuisarnerit aammalu allaffissornikkut suliarineqartarneri aallaavigalugit angajoqqaat meerartaarnerminni pisinnaatitaaffii ersarissarneqartariaqartut Partii Naleqqamiit isumaqarpugut. Sineriammi angajoqqaanngortut meerartaarnermi sulingiffeqarnermi



partii naleraq

Nuuk 2.okt. 2019

UKA 2019/148

Jens Napätök, Partii Naleraq

ullormusiaqartitaasarnerminni annertususissaat pillugu isumaqatigiinngittarnerit amerlavallaarujussuarmata. Neriuppugut tamanna aammaarluta annguteqitarput Naalackersuisut qanoq iliuseqarfigissagaat.

Meeqqat mannakkut assigiinngitsumik pineqartarnerat akueriuminaatilluinnarparput Partii Naleqqamiit.

Isumaqarpugut immikkoortitsineq annertuallaalersoq aammalu pisuut pissakinnerusullu akornanni ikeq annertuallaalersoq. Meeraq meeraavoq tamarmillu naligiinnerusumik pineqarlutillu pisartagaqartariaqarput.

Sooruna Naalackersuisut piniartunut tapersersuinerat unilluinnarsimasoq, sooruna piniartortagut naleqanngitsutut isigilersimagaat, ilumoorsinnaanngilarmi piniartut nuliai meerartaarneranni taamaallaat aallaaviusaraat 14 tiimiinnaat. Taamaasilluni appasinnerpaamik ullormusiaqartitaasarlutik.

Taamatut nalikinnerusutut inissisimaneqarnerat aammalu annikinnerungaartumik pisartagaqartinneqartarnerat aaqqiiffigineqarnissaat pillugu saqqummiussagut nalilersuinermi ilanngunneqassasut oqaatigineqariarlutik ilanngunneqarsimannngimmata Partii Naleqqaminngaanniit uggornartuuttipparput.

Taamaammallu neriuppugut ataatsimiititaliami ilanngullugit aaqqiiffigineqarnissaat suliarineqassasut aaqqiiffigineqarlutillu.

Piniartut illersugaanerusumik allatuulli inuussutissarsiortutut naleqarnerusumik isigineqarlutik aaqqiiffigineqarnissaanik noqqaassuteqarnerput neriuppugut tusaaneqassasoq aaqqiiffigineqarlunilu

Imm 106-imi eqqartuinitisinni taamatut piniartut nuliai eqqumaffigineqarnissaat pillugu kaammattuinerput ilanngullugu nalilersuiffigineqassasoq suliarineqarsimannnginnerat uggorisorujussuarput aammalu maluginiarparput uggoralutigulu tusarniaanermi KNAPK ilanngullugu tusarniaaffigineqarsimannngimmalluunniit.

Taamatullu maluginiarparput nunaqarfiit peqatigiiffiat KANUNUPE tusarniarneqarsimannngimmat. Isorliunerusuni nunaqarfinnilu pissutsit allarluinnaarput taamaamat tusarniarneqarsimannnginnerat uggornartorujussuuvoq.

Nunatta inui pitsaasumik tamarmik isigalugit taakkulu avatangiisaat aallaavigalugit aaqqissuuisarnerit pisariaqarlunnaarput.



partii naleraq

Nuuk 2.okt. 2019

UKA 2019/148

Jens Napätök, Partii Naleraq

Piniartut kinaassusiagaanerat annertuallaarujussualersaq Partii Naleqqamiit isumaqarpugut, taamaammatt aamma uggoraarput Inuit Pisinnaatitaaffiit institut tusarniaanermi ilanngunneqarsimanngimmat, taamatut piniartut kinaassusiaagaasutut naleqqannginnersutullu isigineqarnerat taamatut akuersaaginnarlugu ingerlaannaqqissinnaanngilagut. Nunap inuinit illersuinerput taamatullu piniartortatinnut illersuinerput annertunerulertariaqarpoq.

Erninermut atatillugu aningaasaateqarfiliorsinnaaneq pillugu Naalakkersuisut Sulisitsisut aammalu SIK ataatsimeeqateqarnissat aasap kingorna ingerlasussatut taakkartugaat uani suliami aamma annertunersumik suliamut ilanngullugu saqqummiunneqanngimmat Partii Naleqqamiit uggoraarput.

Sulipa taassuma ingerlanneranut Sulisitsisut aammalu sulinermi inuussutissarsiuqartut kattuffianut SIK-mut oqaloqateqarnernut ilanngullugu kaammattuutigissavarput KNAPK ilanngullugu suliaq ingerlanneqassasoq.

Taamatut ilanngunneqarnissaanik kaammattuuteqarpugut aalisartut piniartut aamma meerartaartarmata taakkulu aamma qanimut suleqataaffiginissaat pingaaruteqarluinnartut Partii Naleqqamiit isumaqaratta.

Taamatut Partii Naleqqamiit oqaaseqarluta angajoqqaat meeqqallu pitsaasumik toqqissisimanartunillu sinaakutissaqarlutik ajunnginnerpaamik meerartaarneq aallartinnissaat Naalakkersuisut pingaaruteqartoq oqaatigisaat tamanut atuunissaa pillugu oqaaseqaateqarluta oqaaserisagut ilanngullugit nalilersorluarneqarlutik ataatsimiititaliami susassaartumi peqqissaartumik suliarineqarnissaat innersuussutigaarput.